

فيديو ٠٣٨ من مقاطع حظر التجول تدبر سورة النساء حلقة ٧١

الآية ٥٣

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تنمية وتلايتين من مقاطع حظر التجول والحلقة السابعة عشر من حلقات تدبر سورة النساء وبندي الحلقة دي النهاردة من تورنتو كندا - [00:00:00](#)

بدأنا امبارح الآية اربعة وتلايتين. وفهمنا معنى الرجال قوامون على النساء نقرا مع بعض كده الآية اربعة وتلايتين ثاني وناخذ باقي الآية اعوذ بالله السميع العليم من الشيطان الرجيم الرجال قوامون على النساء بما فضل الله بعضهم على بعض - [00:00:23](#)

وبما انفقوا من اموالهم الصالحات فالصالحات قانتات حافظات للغيب بما حفظ الله واللاتي تخافون نشوزهن فعظوهن واهجروهن في المضاجع واهجروهن في المضاجع واضربوهن فان اطعنكم فلا تبغوا عليهم - [00:00:48](#)

ان سبيلا ان الله كان عليا كبيرا ده من اكتر المواضيع الغير مفهومة في القرآن واللي سببت شبهات في دماغ ناس كتير جدا لا حول ولا قوة سببت شبهات في دماغ ناس كتير جدا - [00:01:21](#)

لا حول ولا قوة ليه بقى بقول كده ازاي الاسلام يأمر بالعنف بهذا الشكل كيف يأمر الله الرجال انهم يضربوا زوجاتهم الحلقة اللي نشرتها وهي حلقة من حلقات دورة رد الشبهات - [00:01:53](#)

حقيقي حكيت قصة المرأة الفرنسية هي هي موجودة في دورة رد الشبهات. وانا يمكن هنشرها النهاردة آآ على على الفيسبوك ثاني ان شاء الله آآ المرأة الفرنسية اللي هي جوزها مسلم - [00:02:30](#)

وكرهت الاسلام بسبب الآية دي يعني هي قرت القرآن كله وحبب القرآن جدا وكانت على وشم دخول الاسلام لغاية ما اصطدمت بالآية دية وقالت لي ازاي اعبد رب بياأمر آآ - [00:02:48](#)

فوزي انه يضربني. انتم يا جماعة ما بتقروش ولا ايه؟ ده فعل امر فاضربوهن ارجو تشوفوا الحلقة دي وتشوفوا انا ازاي ايه يعني قدرت اقنعها بفضل الله بان فعل الامر دوا ايه معناه وايه بتيجي معانيب في القرآن - [00:03:03](#)

باي آآ باي يعني آآ آاهداف والحمد لله اليوم على فكرة يعني واسلمت. لكن الناس للاسف مش بي فهموا القرآن لانهم بيقطعوه ربنا يقول الذين جعلوا القرآن عضين في سورة الحجر. يعني بيقطعوه اكلهم بيعضوه وبيععضوه - [00:03:18](#)

الناس بتبدأ من واللاتي تخافون نشوزهن فعظوهن واهجروهن في المضاجع واضربوهن فان اطعنكم فلا تبغوا عليهن سبيلا. قال لك بس ودي معناها المرأة الناشز دي اللي هي ما بتسمعش كلام جوزها - [00:03:40](#)

غلط واحنا قلنا قبل كده ما حدش يقدر انت بتبدأ تقرا من اول واو واللاتي واحنا في التدبر فهمنا. ما ينفعش ابدأ من اول واو. الله!

يعني الكلام ده مرتبط بحاجة بحاجة وراه. طب ايه المقطع اللي قبله - [00:03:59](#)

المقطع اللي قبله فالصالحات قانتات حافظات للغيب بما حفظ الله. واللاتي تخافون نشوزها فعظوهن واهجروهن في المضاجع يعني دول نوعين عكس بعض النوع الاول صالحات قانتات حافظات للغيب بما حفظ الله. قانتات يعني مطيعات حافظات للغيب يعني حافظات لانفسهن - [00:04:15](#)

في غيبة ازواجهن في فروجهن واموالهن ده كل المفسرين قالوا كده حافظات للغيب يعني عند غيبة زوجها بتحفظ نفسها وشرفها النوع الثاني بقى والتي تخافون نشوزهن يسافر تلعب بديلها مش تقول لها اعلمي لي قهوة ما تعملكش يبقى كده بقت ناشز -

طيب احنا نكمل هنا حدة حدة النبي قال وهو بيشرح الاية دية ايه وكان بيشرح الاية دي الا ولكم على نساكم حقا ولنساكم عليكم حقا فحقكم عليهن الا يوطئن فروشكم من تكرهون - [00:05:18](#)

ولا يأذن في بيوتكم لمن تكرهون ما يدخلوش البيت حد انت مش عايزه يخش يا جماعة الكلام واضح لا يوطئن فروشكم من

تكرهون. فراشك وفراشك مش بالضرورة يعني السرير ممكن يكون الكنبه. يعني الفرش يعني العفش - [00:05:40](#)

ما حدش يخش بيتك ويقعد في بيتك وانت مش مش مش عايزه يدخل مش حابه المشكلة ان معزم الناس اخدت نشوزهن بمعنى عصيانهن انهم النساء اللي مش بيسمعوا الكلام. مش بيسمعوا كلام اجوازتهم - [00:05:59](#)

وبيعصوه. وده تسطيح شديد جدا لمعنى النشوز اولاً كلمة نشوز كمصدر كده لم تأتي في القرآن الا مرتين اثنين والمرتين في سورة النساء. والمرتين مقرونين بالخوف يعني ايه المرتين مقرونين بان يحصل نشوز. الخوف من النشوز - [00:06:16](#)

مرة الخوف من قبل الزوج الاية دي ومرة الخوف من قبل الزوجة نفس الصورة هوريها لكم دلوقتي التفسير الشائع هو انه لو المرأة عصت زوجها ولم تطيعه ده معنى النشوز. ها يبقى يجب يعظها يعني ينصحها بالكلام - [00:06:42](#)

اذا استمر العصيان آآ هم هنا بيعتبروا بقى النشوز هو العصيان. فاذا استمر العصيان يهجرها في المضجع يعني يتوقف عن علاقة الفراش يدي ظهره وينام فاذا استمر العصيان يؤدبها بانه يضربها بس ما يكونش بيوجع - [00:07:01](#)

غير مبرح بالسواك مسلاً. السواك بتاع حاجة يعني عصاية صغيرة جدا الحقيقة هذا التفسير فيه عدة مشكلات اولاً هذه اجراءات عقابية الاية بتقول واللاتي تخافون نشوزهن اذا احنا قدام نساء لم تنشز بعد. احنا بس خايفين ينشزوا - [00:07:19](#)

طب ازاي يبقى فيه اجراءات عقابية لحد ما عملش الجريمة لسة ادي اول حاجة اه يعني نبدأ نعظ انسانة وهي ما عملتش حاجة لسة وبعدين نهجرها في الفراش وهي لسه ما عملتش حاجة - [00:07:43](#)

وبعد كده كمان نضرب وهي لسة ما قلتش حاجة؟ والتي تخافون نشوزهن ده كلام مش مش داخل المخ الحقيقة اذا هناك بقى اكيد معنى ثاني بقى اللي هنشوفه المفسرين المؤيدين على فكرة لمعنى النشوز على ان هو العصيان هم الجمهور يعني - [00:08:02](#)

قالوا تخافون هنا معناها اذا كنتم متأكدين والتي تخافون نشوزهن يعني اللي انتم متأكدين انهم بيعصوكم تخافون معناها متأكدين يعني حتى ما وردتش قبل كده طيب يعني لغوية مش مقبول. بس هو ده المخرج الوحيد بتاعهم - [00:08:21](#)

الوحيد بامانة اللي جاب كلام اللي هو يؤمن بان النشوز معناه العصيان. ولكنه قال تفسير ثاني لمعنى تخافون. وكان بصراحة كلامه آآ مقنع هو الدكتور بسام شرار قال لك النشوز حصل فعلاً خلاص هي ناشز - [00:08:47](#)

ولكن التي تخافون نشوزهن يعني لو خفتهم النشوز بتاعهم اللي حاصل ده يوصل لمرحلة مخيفة اه ده كلام مقنع شوية. لكن انا عندي بقى تفسير ثاني هقوله لكم دلوقتي. وان شاء الله هيقنعكم اكثر كمان - [00:09:05](#)

والتي تخافون اه طيب التفسير اللي اقوله دوة بنستخدم فيه. اصول التفسير بتاعة ابن تيمية وزيبط السياقات بعضها ببعض.

فسنجد تفسير افضل من كده بكتير جدا. اول اصل من اصول التفسير تفسير الكتاب بالكتاب. اي كلمة في - [00:09:21](#)

الدنيا في اي كتاب في الدنيا عاوز تفهم مقصد الكاتب منها ايه شوف نفس الكاتب ده في نفس الكتاب ده استخدم الكلمة دي ثاني في موضع اخر ازاي ولو لقيتته يقصد بها مقصد غالباً هيكون نفس المقصد ده بيقصده - [00:09:44](#)

في نفس الكتاب ما هو نفس الكاتب بيستخدم نفس الكلمة في نفس الكتاب فده اسمه تفسير الكتاب بالكتاب قلنا نشوز وردت مرة

اخرى في القرآن الكريم. والمرة دي في نفس السورة - [00:10:02](#)

اقرأ بقى معي الايتين مية ثمانية وعشرين ومية تسعة وعشرين وان امرأة خافت شف برده مقرونة بالخوف والتي تخافون نشوزهن.

هنا وان امرأة خافت من بعلاها نشوزا او اعراضا فلا جناح عليهما ان - [00:10:15](#)

اصلح بينهما صلحا. والصلح خير واحضرت الانفس الشح وان تحسنوا وتتقوا فان الله كان بما تعملون خبيراً. كمل ولن تستطيع ان

تعزلوا بين النساء ولو حرصتم فلا تميلوا كل الميل فتذروها كالمعلقة. وان تصلحوا وتتقوا فان الله كان غفوراً رحيماً - [00:10:36](#)

شايفين التشابه الكبير؟ اهو وان امرأة خافت من بعلاها نشوزا. وفي الاية بتاعتنا اربعة وتلاتين واللاتي تخافون نشوزهن تشابه مرة بيتكلم عن النساء اللي خايفين نشوز رجالهم. ومرة بيتكلم عن الرجال اللي خايفين نشوز زوجاتهم. يبقى معنى انه -

[00:10:56](#)

هنا هو نفسه معنى النشوز هنا ايه اللي يخليه معنى ما اتغير ايه هل الرجل عليه انه يطيع اوامر زوجته ولا يعصيهها لأ قلنا للراجل امبارح هو رئيس مجلس الادارة. ولازم يشاور زوجته. ويتخزوا قراراتهم بالتراضي. ولكن لو اختلفوا ما فيش فايده كلام الراجل -

[00:11:23](#)

هو اللي يمشي وشرحنا هذا الكلام امبارح. رئيس مجلس الادارة الطبيعي في اي مؤسسة في الدنيا رئيس مجلس الادارة كلامه لازم يمشي يبقى ازاى وان امرأة خافت من بعلاها نشوزا يبقى معناها لو خايفة ان هو يعصيهها. يبقى اكيد فيه معنى اخر. الحاجة الثانية هي

[00:11:49](#) -

وان امرأة خافت من زوجها نشوزا عيب عليها دي اشمعنى بعاليها يعني اشمعنى معاليها؟ من هو البعل؟ باع للرجل امرأته يعني جمعها الاله بعل اله القوة والخصوبة عند الكنعانيين والفينيقيين. ففي اللغة العربية كلمة بعل تحمل معنى - [00:12:08](#)

السيد المالك وبعلي الناقة يعني مالك المالك بتاع الناقة وكان الرجل يسمى بعلا لان السيد المالك هو المالك لزوجته الى ان بعث الله سيدنا ابراهيم بدأ يضعف فكرة الملكية في الاسرة ان الرجل يملك زوجته دي بدأت تضعف تضعف من اول ما جه سيدنا من بعد بعثة

[00:12:34](#) - سيدنا ابراهيم

الى ان سمى العرب البعل زوجا. بالتالي اصبحت الفكرة فكرة زوجية. بالتالي كلمة بعل اذا ذكرت في القرآن هي تشير الى الرجل الذي اقام علاقة الفراش. يعني ايه؟ يعني مش مجرد كاتب كتابه. كاتب كتابه زوج - [00:13:01](#)

خلاص عملوا النكاح لكن البناء لم يتم الدليل البقرة متين ثمانية وعشرين وبعولتهن احق بردهن في ذلك ان ارادوا اصلاحا. بعد الطلاق البعل يستطيع ان هو يرد زوجته لكن الزوج اللي عقد العقد بس وطلق بعد العقد مش من حقه يرد زوجته الا بعقد جديد ومهر جديد ولازم توافق وشغلانة ثانية - [00:13:22](#)

لكن البعل يطيع يردھا. اذا البعولة لها علاقة اه بعلاقة الفراشة بالدخول نرجع بقى للاية مية ثمانية وعشرين ثاني عشان نفهم لسة كلنا بنحاول نفهم يعني ايه كلمة نشوز. خلوا بالكم - [00:13:50](#)

وان امرأة خافت من بعلاها نشوزا او اعراضا فلا جناح عليهما ان يصلح بينهما صلحا والصلح خير هل معناها لو امرأة خافت ان زوجها مش هيطيعها لأ المرأة بتخاف من ايه - [00:14:05](#)

زوجها يعرف واحدة ثانية او يسببها نشوزا او اعراضا لو امرأة حسست ان ممكن زوجها باع لها اللي بينها وبينه علاقة حميمة يقصر معها ويميل لامرأة اخرى او يتركها تماما يهجرها - [00:14:22](#)

روي عن السيدة عائشة انها قالت هذه الاية نزلت في المرأة تكون عند الرجل ويريد الرجل ان يستبدل بها غيرها فتقول امسكني وتسوج وتزوج بغيري. وانت في حل من النفقة والقسم - [00:14:41](#)

يعني اللي نزلت في زوجة آآ زوجها اراد ان هو يطلقها ويروح يتجوز واحدة ثانية فقالت لا لا لا تعال نتفاهم امسكني خليني زوجة. ماشي؟ وانا ممكن اعفيك من بعض واجباتي الزوجية - [00:14:59](#)

منها مسلا الانفاق المبلغ الشهري اللي بتديه ده نصه يكفيني مش بلاش مش محتاجة اصلا عندي فلوس. ماشي؟ والقسم القسم يعني يقسم الليالي بينهم. لأ مش محتاج يكون ليلة هنا وليلة هنا. ممكن لو عايز - [00:15:13](#)

تلتين هنا واربعة بس مش عايز اتطلق. خلاص او كي. فممكن تتفاهم معه وان امرأة خافت من بعلاها نشوزا او اعراضا فلا جناح عليهما ان يصلحا بينهما صلحا والصلح خير. الاية دي انا مش بناقشها دلوقتي خالص - [00:15:28](#)

احنا هنقيشها بعدين لما نيجي لها. لكن ربنا الزمه بالعدل بين زوجاته كشرط للتعدد في سورة النساء الاية ثلاثة فانكحوا ما طاب لكم من النساء مثنى وثلاث ورباع فان خفتم الا تعدلوا فواحدة - [00:15:42](#)

ولكن ايا كان بقى ما هو الراجل بقى عايز يعدل ففي الحالة دي هو خايف ما يعدلش. فقرر انه يطلق واحدة منهم عشان هو خايف انه ما يعدلش هتيجي الثانية تقول له لأ ما تخافش ولا حاجة وانا باعفيك من اي آآ تقصير ولا حاجة وما عنديش مشكلة في كزا وما عنديش مشكلة في كزا ايا كان الصلح اللي هيوصلوا له ايه - [00:16:00](#)

يوافقوا عليه. طيب ورد في التفاسير انها نزلت في امرأة اسمها عمرة بنت محمد ابن مسلمة ويقال اسمها خولة وفي زوجها سعد بن الربيع ويقال لها له رافع بن خديج - [00:16:19](#)

تزوجها وهي شابة فلما كبرت تزوج عليها امرأة اخرى شابة واثرها عليها وجفى الاولى يبقى النشوز هنا معناه ايه انه بيروح يتجوز واحدة تانية ويميل لها ويسيب الثانية. ويهجرها الاية اللي بعدها بتقول ايه؟ الاية مية تسعة وعشرين - [00:16:34](#)

ولن تستطيعوا ان تعدلوا بين النساء ولو حرصتم فلا تميلوا كل الميل فتذروها كالمعلق. وان تصلحوا وتتقوا فان الله كان غفورا رحيمًا. يعني في الامور المادية مش هتقدروا تعدلوا. لكن - [00:17:00](#)

في امور تانية ما تقدروش تعدل غصب عنك يعني هتدفع امور مادية ممكن. هتصرف هنا جنيه هتصرف هنا جنيه. تبات هنا ليلة هتبات هنا ليلة. لكن في امور تانية نفسية وقلبية مش هتقدروا تعدلوا فيها - [00:17:15](#)

فده ما يكونش سبب في انك تروح تطلق زوجتك عشان خايف بتيجي قدام ربنا زالم. لأ ربنا مش هيحاسبك على الامور دي. النفسية والقلبية وكده. المطلوب ان انت لا تميل كثيرا لوحده وتترك الثانية كالمعلقة. بانك تسقطها - [00:17:29](#)

تماما كده من حساباتك ومن مشاعرك ومن علاقتك كزوج اذا انا عايز اخذ بقى معنى النشوز ده وارجع به للاية اربعة وثلاثين بتاعتنا الاية النهاردة خذ دي بقى واللآتي تخافون نشوزهن - [00:17:45](#)

فعظوهن واجروهن في مضاجع واضربوهن فان اطعنكم فانتبهوا عليهن سبيلا قالت لي اخونا انه شيزوه لنا هنا بقى يا نهار مش فايت النشوز هنا هيبقى معناها ان امرأة تميل لرجل اخر لزوجها - [00:17:59](#)

المرأة مش بتعدد. يبقى احنا داخلين على مقدمات جريمة الزنا احنا بقى وربنا بيقول واضربوهن احنا مش بنهزر احنا بنتكلم في حاجة آآ بيحصل فيها جرايم قتل اصلا احنا مش بنهزر - [00:18:11](#)

احنا بنتكلم على مقدمات اقامة علاقة محرمة برجل اخر طيب يبقى انا اما بقول النشوز دلوقتي هو ده طب ليه ربنا يفرض اجراءات عقابية قبل واحنا خايفين بس ان الجريمة تعدم ما حصلتش. واحنا هنستنى لما تحصل - [00:18:26](#)

دي الجريمة الوحيدة اللي ممكن الانسان يشعر بها قبل حدوثها اللي هي ايه؟ اقامة علاقة محرمة برجل اخر ليه ان لها مقدمات موبالي بيرن رنة ويسكت يعني كلميني لو انت لوحدهك - [00:18:46](#)

رسايل بتمسح مش عارف مكالمات بتمسح لأ هو دي النقطة بقى كنت فين يرجع مرة واحدة من شغله يلاقي مراته مش في البيت عشان رجع في وقت غير غير طبيعي - [00:19:07](#)

كنت فين انا كت عند ماما يقوم مكلم ماما تقول له انا اخر مرة شفتها كان الاسبوع اللي فات. الله امال انت كنت فين؟ بتكزي علي ليه؟ كده بقى نقدر نفهم معنى ولا - [00:19:20](#)

التي تخافون نشوزهن يعني هو مش بالضرورة تكون نشزت لسه. مش بالضرورة تكون وصلت في علاقة محرمة لمسائل خطيرة ولا حاجة. مش لازم ولسه يعني بتكلم حد بتقابل حد ممكن - [00:19:30](#)

فده معناه بقى الزوجات اللي تظن وبس مش متأكدين لسه. خايفين ان يكونوا بدأوا علاقة برجل اخر تعملوا ايه اهم فعظوهن كلموهم عن ربنا وسمعوهم مواعظ تخوفهم من عقاب ربنا - [00:19:44](#)

انصحهم ما يهدوش البيت وما يخربوش حياتهم وما نشردش الولاد وما فيش داعي للطلاق ونقعد نوديه العيال وسيكولوجيست وناخذ نعمل وليه تمام ليه؟ لانكم مش هتستمرؤا في الجوازة دية - [00:20:00](#)

لو استمر الحال كده هتطلقها انا مش عاجبني النظام دوا. يعني ايه كل شوية الاقي حاجات غريبة بتحصل ايه ده ايه ده ايه كده انت هتتسببي في الطلاق خدت وقتك في الدعوة والنصح والعظة. وبرضو ما فيش فايده. لسه الطواهر الغريبة دي انت حاسس ان فيه

بتعمل ايه فعظوهن واهجروهن في المضاجع يعني في السرير تديها ضهرك وتنام ولا تجمعهما وشف هيجصل ايه بعد ده نوع من

انواع التأديب مش مش لازم يكون تأديب خالص مش لازم - 00:20:39

ما فيش داعي يا جماعة نخترع حاجة ونفضل تسيطر علينا. مين قال ان الاجراءات دي اصلا تأديبية؟ مين قال؟ واحد شاكك ان مراته على علاقة بواحد يروح يا جماعة وبعد كده اما تيجي الاسبوع اللي بعده ولا بعده تقول انا حامل يقعد طول عمره شاكك لأ وليه لا لا لأ

امنع بقى خالص العلاقة دي اما نشوف هيجصل ايه - 00:20:59

مش بالضرورة للتأديب ابدًا. جبته منين اتكلمت بالتأديب دي طيب واحدة اذا قررت تخون زوجها يا جماعة بصوا يا جماعة المرأة

عادة لا تعدد في قلبها. اذا قررت تخون راجلها - 00:21:18

سواء بقى في الغرب اللي مش مسلمين دول اللي عايشين مع بعض آآ بوي فريند ومش عارف ايه. لو قررت دخول البوي فريند

بتسقطوا الاول من قلبها تماما قبل ما تعرف واحد ثاني - 00:21:31

وكذلك المرأة اللي بتخون جوزها بتسقطه تماما الاول من قلبها خلاص طيب. فلو انت اديت ضهرك عدة اسابيع ووجدت انها

مستريحة كده ومبسوطة كده من الوضع ده يبقى يبقى فيه حاجة - 00:21:45

يبقى الزواج وصل لمرحلة مسدودة خلاص لازم تنهي الزواج لازم تنهي الزواج بيعمل ايه بقى الراجل اللي بيضطر يسافر يومين وثلاثة كل اسبوع وبيشك بسبب بعض الزواهر اللي لا ترقى انها تبقى دليل. هو ما يقدرش يروح يشتكيها يشتكيها ليه هو ما عندوش دليل؟

ما عندوش دليل على حاجة. يروح يشتكيها. وام عياله هيروح يشهر بها - 00:22:00

ما يقدرش هيعمل ايه بيعمل ايه هل يستمر في العلاقة الحميمة؟ وبعد كده يقول انا حامل تبقى مصيبة هيعمل ايه؟ هيهجر خلاص

ما فيش فائدة ما فيش في مرة كده اتدورت وحضنت ومش عارف ايه وبتاع اذا فيه حاجة - 00:22:20

ما فيش حد هيقبل انه يستمر الجواز بالشكل ده. يبقى ما فيش غير الطلاق بس قبل ما يطلقها لازم يحزرها احسن بعدين يكون

هيطلقها في نفس اليوم اللي هي كانت على وشك اصلاح العلاقة بهم - 00:22:41

وتصلح علاقتها وتغير من نفسها وترجع تبقى آآ الست اللطيفة بتاعة زمان والموضوع بس كان شوية توتر عندها وخلاص فتخيل بقى

لو واحد كان طلق مراته قبل كده مرتين والطلقة دي هتبقى الطلقة الثالثة ما فيش رجوع بعدها - 00:22:56

وراح مطلقها في نفس اليوم اللي هي عاملة له مفاجأة فيه ومزينة البيت ومزينة وحاطة طرفان وطابخة له الاكلة اللي بيحبها

وجايبه له هدية وراحت للكوافيرة ومش عارف وكله تمام. وتفتح الباب تلاقي المحضر بيسلمها ورقة الطلاق كانت تبقى مصيبة. طب

ليه؟ ليه ما حزرتهاش الاول؟ هيبقى - 00:23:13

ان تنفادي السيناريو ده يعمل ايه؟ لازم يحزرها قبل ما يطلقها. حلو اوي. هيحزرها ازاى هتقول لي يقول لها هاطلقك هتقول بيه رجع

يتكلم ثاني ما هو بقى له شهور بيعظ. وقلنا العظة كلام - 00:23:33

وعمال يقولها في العيطة ما تخربيش البيت. كده هنطلق. والعيال هتدفع التمن. الله! طب ما قبل ما يطلقها يحزرها. طب هيحزرها

ازاي ما هو عمال كان بيحزرها بقى له سنتين - 00:23:51

هيعمل ايه؟ هتصدقوا ازاى دلوقتي يبقى خلي بالك بقى من حاجة. شف بقى معنى ايه واضربوهن بقى بعد مرحلة العظة اللي هي

مجرد كلام والهجر في الفراش برضه مرحلة ده مش تعامل بدني خالص. يبقى ما فيش تعامل بدني مدة كده - 00:24:01

انت عمال تتكلم وتعظ وتهدد بالطلاق بدون تعامل بدني يبقى عشان تحزرها لازم تشعرها ان في تغيير في اسلوبك انك جد المرة دي

بيجي واضربوهن ابن عباس ترجمان القرآن زي ما قال النبي عليه الصلاة والسلام. يقول لك امسك حاجة زي السواك. زي فرشاة السنان

كده - 00:24:18

ويخبط لها كده على كتفها وهو بيكلها قال لك لأ ومش على وشها عشان على وشها اهانة مش مقصود اهانة خالص ولا تأديب ولا

بتاع. تأديب ايه! حد بيأدب عشان فرشاة اسنان! يعني واحد شاكك ان مراته بتخونه! يروح يجيب فرشاة اسنان يضربها بها -

فدي تبقى نكتة يبقى ابن عباس بيقول لا يكسر عضم ولا يضرب ضرب مبرح ولا يقبح ولا يضرب الوجه ولا حاجة مش مقصود تأديب اصلا مقصود انه يشعرا ان المرة دي انا مش في المرحلة الاولى بتاعة العظة. انا خلاص المرحلة الثالثة انا هاطلق - [00:24:52](#) خدتوا بالكم يا جماعة؟ طيب اه خلوا بالكم اللي يشوف الحلقة المرأة الفرنسية قلت لها حطيتها في الوضع ده لو هو قرر يطلقك وانتم مضطرين مرتين قبل كده يحب يقولها لك بس بالبق كده ولا يتعامل معك جسديا؟ قالت لأ بصراحة لأ احب انه يتعامل معي جسديا عشان اعرف ان هو يقصدها - [00:25:10](#)

ازاي قالت لي ممكن يهزني من كتفي بس مش لازم بالسواك. قلت لها اوكي. يعني اذا انت قلت اوكي على التعامل الجزائري دي مقصودة. ده المقصود. ان يكون في تغيير في الطريقة بعد مرحلة - [00:25:33](#) من عدم التعامل الجسدي نهائي يكون فيه طريقة ان هو يبدأ يلمسها يبدأ آآ ويهزها كده او يعني انا المرة دي مختلف خلي بالك من حاجة اذا الزوج ضرب مراته دي في الشرع آآ جريمة فيها قصاص. يعني المحاكم الشرعية في السعودية في الفين وتمانية -

ايام ما كان يطبقوا الشريعة بقى اه حكمت على زوج في الفين وتمانية بالجلد تلتमित جلدة والسجن ست شهور لانه ضرب مراته انا مش بستشهد بالسعودية يعني مش مسل اعلى يعني بالنسبة لي. لكن انا بقول لكم ان الناس اللي بتطبق شرع من ضمن الجرائم اللي في الشريعة الاسلامية فيها قصاص ان رجل يضرب زوجته - [00:26:04](#)

هي مش سايبة واخدين بالكم؟ الحاجات دي بيحصل فيها جرايم قتل في العالم كله. الاسلام هنا بيعلم الناس ازاي يتعاملوا مع المواقف دي بهدوء وبدون انفعال قال وبرقي وفي نفس الوقت بكرامة وبدون تهاون في الامور دية. ما فيش راجل هيقدر يتحمل على نفسه الكلام ده - [00:26:26](#)

نرجع بقى للاية بعد ما الزوجة فهمت ان البيت هيتهد وتوقفت عن مظاهر النشوز ممكن يكون الحمد لله ما كانش فيه علاقة ولا حاجة خالص مجرد مشاغبة منها بتناغشه بتخليه يغير شوية - [00:26:47](#)

مخلية واحدة صاحبتها ترن لها عشان تخليه يغير. فهمت بيحصل الحاجات دية شوية كبر ايه العلاج بالمرالح الثلاثة دول جاب نتيجة يبقى ايه بعد كده فان اطعنكم فلا تبغوا عليهن سبيلا. ان الله كان عليا كبيرا - [00:27:08](#)

طالما خلاص اصبحت مطيعة وتوقفت عن الاشياء اللي بتشعر الزوج بالخوف. يا جماعة انا بقول لكم ليه آآ النشوز لو لو هو في حدود مسلا قال لها مسلا آآ قومي مسلا اعلمي لي قهوة ما عملتلوش - [00:27:24](#)

دي اصلا مش من واجباتها انها تعمل لك اهو عشان تبقى عارف يعني. مش من واجباتها انها تطبخ ولا تكنس ولا تنضف البيت. ده كل ده فضل وتفضل. ده بالشرع على فكرة - [00:27:38](#)

احنا بنتكلم في حاجة جد جدا كانت خلاص طالما الحاجات دي توقفت وما بقتش تخرج بقى من غير ما تقول والكلام ده والحاجات دي كلها كل الكلام ده اختفى او كان هواجس عند الرجل - [00:27:47](#)

ماشي وخلاص بتصالحك ما تزودهاش بقى وصالحها انت كمان. ما تتعالاش عليها. فان اطعنكم فلا تبغوا عليهن سبيلا. ما تزودهاش. خلاص اوقف الهجر في الفراش على طول فورا بقى ان الله كان عليا كبيرا ما تتعالاش عليها بقى - [00:28:01](#)

ما تتكبرش عليها العلي الكبير هو الله هي جابت وراء خلاص. ارجع انت كمان لورا خطوة بقى. وافتكر ان الله اعلى واكبر والمجتمع عليه دور انه ما يتركش الشقاق والمشاكل دي دون ان يتدخل لحلها - [00:28:20](#)

ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم - [00:28:38](#)

فاجعل حبك احب الينا من اهلينا واموالنا ومن الماء البارد على الظمأ اللهم حبيبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك انبيائك ورسلك وعبادك الصالحين. اللهم احبي قلوبنا بحبك - [00:28:58](#)

واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا. اللهم اجعل حبنا كله لك وسعينا كله في مرضاتك. اللهم
اجعل القرآن الكريم ربيع قلوبنا ونور صدورنا وجلء احزاننا وذهاب همومنا وغمومنا - [00:29:23](#)
ومغفرة ذنوبنا. اسأل الله العلي العظيم ان يجعل هذا التدبر في ميزان حسناته وحسناتكم جميعا اللهم فاطر السماوات والارض عالم
الغيب والشهادة انت تحكم بين عبادك فيما كانوا فيه يختلفون. فبحق كل حرف في كتاب - [00:29:43](#)
آآ دي كتالونه او تدبرناه اكفنا واهلينا واخواننا واخواننا شر كل من يكيّد لنا ولهم واحفظنا واياهم من شرورهم ونجعلك اللهم في
نحورهم فانت الوكيل ولا حول ولا قوة الا بك - [00:30:01](#)
اللهم بحق كل حرف في كتابك تلونه او تدبرناه ايد بنصرك المرابطين في الارض المباركة فلسطين. وكن مع اخواننا في تركستان
الشرقية وفي كشميرا وفي سريلانكا وفي الهند وانصر يا رب - [00:30:19](#)
من نصرهم واخذل يا رب من خذلهم. اللهم سد رميهم وخيب رمي عدوهم. وظهر المسجد الاقصى من الدنس فانهم لا يعجزونك.
واكتب لنا يا ربنا ختم القرآن فيه اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك
وتوحدت - [00:30:35](#)
الى دعوتك وتعاهدت على نصره شريعتك. فوثق اللهم رابطتها وادم ودها واهدها سبلها واملأها بنورك الذي لا يحبو واشرح صدورنا
بفيض الايمان بك وجميل التوكل عليك واحيها يا ربنا بمعرفتك وامتها يا مولانا على الشهادة في سبيلك انك نعم المولى ونعم
[00:30:58](#)
النصير وصلي اللهم وسلم على سيدنا محمد وعلى اله وصحبه ومن تبع هداة. والسلام عليكم ورحمة الله. ونراكم غدا باذن الله في
نفس هذا الموعد ان كنا من اهل الدنيا - [00:31:23](#)